



Sud Bosne i Hercegovine
Суд Босне и Херцеговине

Broj: S1 3 Iž 043723 18 Iž
Sarajevo, 18.08.2022.godine

Sud Bosne i Hercegovine u Sarajevu, u apelacionom vijeću sastavljenom od sudija Zvezdane Antonović, kao predsjednika vijeća, Dinke Bešlagić-Čovrk i Vesne Trifunović kao članova vijeća, odlučujući o žalbi političkog subjekta NES –ZA EVROPSKU BIH, izjavljenoj protiv Odluke Centralne izborne komisije Bosne i Hercegovine broj: 05-1-07-3-1329/22 od 08.08.2022.godine, kojom je ovjerena kandidatska lista i kandidati političkog subjekta za dodjelu kompenzacijskih mandata u Predstavničkom domu Parlamenta F BiH navedeni pod tačkom a) dispozitiva, a odbijeni pod tačkom b) dispozitiva, u nejavnoj sjednici, održanoj dana 18.08.2022.godine, donio je

R J E Š E N J E

Žalba se odbija.

O b r a z l o ž e n j e

Odlukom Centralne izborne komisije Bosne i Hercegovine, broj i datum navedeni u uvodu ovjerena je kandidatska lista i kandidati političkog subjekta NES-ZA EVROPSKU BIH- 03072, za ZASTUPNIČKI/PREDSTAVNIČKI DOM PARLAMENTA FEDERACIJE BOSNE I HERCEGOVINE- 400 kandidat pod a) 1. Mirza Batalović, dok je odbijena lista kandidata od 2-14 zbog narušene spolne strukture.

Politički subjekt NES-ZA EVROPSKU BIH je blagovremeno uložio žalbu ističući da je pobijana Odluka CIK-a u suprotnosti sa odredbom člana 4.21 stav (2) Izbornog zakona BiH, jer političkom subjektu NES-ZA EVROPSKU BIH po načelu transparentnosti nije ostavljen rok od 5 dana od dana prijema obavještenja o nepravilnostima liste, kako bi žalitelj istu uskladio po osnovu datih smjernica.

Predlaže da se žalba usvoji i ukine Odluka Centralne izborne komisije Bosne i Hercegovine te predmet vrati CIK BiH na ponovni postupak sa datim smjernicama.

U odgovoru na žalbu Centralna izborna komisija Bosne i Hercegovine predložila je da se žalba odbije kao neosnovana.

Nakon što je ispitalo osporenu odluku u granicama žalbenih razloga, vijeće Apelacionog odjeljenja Suda Bosne i Hercegovine je zaključilo:

Žalba nije osnovana.

Ožalbenom Odlukom ovjerena je kandidatska lista i kandidati političkog subjekta NES-ZA EVORPSKU BIH-0372 za dodjelu kompenzacijskih mandata za Opšte izbore 2022 godine za izbornu jedinicu ZAASTUPNIČKI/PREDSTAVNIČKI DOM PARLAMENTA FEDERACIJE BOSNE I HERCEGOVINE-400 u odnosu na kandidata Mirzu Batalovića, dok je odbijena ovjera kandidata od broja 2-14 sa kandidatske liste zbog narušene spolne sturkture.

Prema zaključku ovog vijeća Odluka je donesena pravilnom primjenom odredbe 4.24 stav 2 Izbornog zakona jer kandidati navedeni u kandidatskoj listi za kompenzacijske mandate nisu pravilno zastupljeni kandidati muškog i ženskog spola u procentu koji navedena odredba propisuje.

Na zakonitost ožalbene odluke ne utiče navod žalitelja da mu nije ostavljen rok od 5 dana da izvrši ispravku nedostatka zbog kojeg je odbijena kandidatska lista za kandidate od 2-14.

Naime, odredba člana 4.21 stav 2 Izbornog zakona BiH propisuje da Centralna izborna komisija BiH obavještava političku stranku, koaliciju ili listu nezavisnih kandidata o kandidatima koji su odbijeni. Politička stranka, koalicija ili listu nezavisnih kandidata dužna je u roku od pet dana od dana prijema obavještenja otkloniti nedostatke na kandidatskoj listi, zamjenjivanjem kandidata ili osiguravanjem dodatne dokumnetacije, ako Centralna izborna komisija BiH uputi tkav zahtjev.

Proizilazi da je danom prijema ožalbene odluke žalitelj obaviješten o tome koji kandidati za kompezacijske liste nisu ovjereni, te od tog dana žalitelju teče zakonom propisani rok da iskoristi pravo otklanjanja nepravilnosti na kandidatskoj listi, a koje pravo bi mu Centralna izborna komsija BiH morala omogućiti. Žalitelj nije dokazao da je u zakonom propisanom roku podnio novu kandidatsku listu za kompenzaicijske mandate, a ukoliko je propustio ovo pravo da iskoristi i dalje mu ostaje mogućnost da u smislu člana 9.7 a stav 1 ostvari pravo da dopunskom listom proširi listu kandidata za kompenzacijske mandate.

Iz navedenih razloga apelaciono upravno vijeće Apelacionog odjeljenja Suda Bosne i Hercegovine, nalazi da je pobijana odluka Centralne izborne komisije Bosne i Hercegovine pravilna i zakonita a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine („Službeni glasnik BiH“ br. 19/02 do 74/10) valjalo odbiti.

**Predsjednik vijeća
Sudija
Zvezdana Antonović**